

荊州府志序



考圖志荊州古郢都也爲西蜀咽喉中原要害雖楚十五郡之一然踞江漢湖湘之間左縈右拂動關大勢近如滇逆構孽我師控扼拒守用能摧厥機牙斷

荆南志

序

一

姚

已丘之長蛇殪三苗之蠶蠶旋設大兵永鎮南土誠以上游重地綢繆宜固耳惟是數載以來閭閻供億不無疲敝

皇上特霽德音免楚北今年田租之半恩至渥也方且盪以和風滲

以甘雨父老扶杖忻觀德化之成而一省內外臣工咸體

皇上修文偃武之意合而爲省會分而爲郡縣各輯志書上副

詔旨荆前後守土諸臣增修所由亟

亟也先是癸亥冬臣淳熹銜

荊州府志

序

二

姚

命校楚甫入武昌郡卽值設局纂修

通志而江陵在籍臣在恪適董

厥事臣於書畧序簡端自是以

郡志上者踵相接也而荆則前

知府事臣廷試始之新任臣茂

泰成之其操鉛槧從事者惟臣

在格是任夫志不欲繁也又不
欲畧也畧則語焉不詳繁則擇
焉不精厥失維均學富三冬胷
羅二酉則不患其不詳矣筆慎
董狐語道佚馬則不患其不精
矣荆之書簡而明核而當博綜
而條理臣以知編摩之得其人
也雖然臣覽是書而更有思焉
曷思乎爾以臣校士再涉其地
見夫羣山萬壑出險就平氣象
清朗江漢分流雲夢帶於南北
秀靈蘊結勢不能無所發於是

羽毛齒革不足殫其奇而荊州
遂以人物稱焉屈宋文章爭光
日月英弼儔人前代不乏加以
本朝休登嶽瀆效靈豈無魁磊傑出
之才蔚爲國楨者更出於矜珮
中乎臣於制舉業辨之庶幾扶
目俟之且聞荆郡殷繁在昔甲
於南楚自明季寇氛壤極今猶
未盡復也其屬邑踣於山者多
荒僻踣於水者江湖暴漲往往
爲菑捍隄善後之方臣願司牧
者軫之念之講求而力行之至

於宣教化議德行察習尚采風
謠以達之

當宁者學臣事也臣何敢辭然則是
書成而治道備焉經猷出焉所
關不甚鉅哉如曰潤色太平以
應

荊州府志

序

五

姚

國家之令典母乃非作者之意也

夫

皆

康熙二十四年歲在乙丑季冬月

穀旦

賜進士出身提督湖廣學政按察使

司僉事加三級臣姚淳燾謹撰

荊州府志

序

大

姚

荊州府志序

天下之大勢統於一故廣谷大
川異制政教風俗異宜而一道
同風信而有徵每不廢夫方言
之採自漢儒撰地理風俗諸篇
郡邑始各爲志要皆昉乎小史
外史之義以裨益吏治考鏡得
失而慎覈之不敢忽也我

皇上宣錫廣運聖神文武

天章睿藻巍煥星文

敦敏念典丙夜觀書闡揚義軒洙
泗之微秘以化成天下聲教四

訖職方所掌彙爲通志恭進

御覽復將郡乘編緝用備採擇

光被之下紀盛事者拜颺以

獻顧萬方版籍所隸之大且廣合

計其紀載遺編則縣志詳於郡

志郡志詳於省志而百有餘年

間天下郡志之不脩者大抵強
半蓋進退褒譏志不敢與史例
而文獻殘佚網羅鮮據且率以
里人言風土博則涉於泛濫約
則易爲嫌尤前此之闕而不續
或亦有所難言者耳竊惟土地

賦役水利兵農有關於實用者
爲作志之先務然仰觀璿衡俯
察方輿彙次古今集記風物表
彰忠孝揚推人文綱舉目張不
漏不支如黃霸龔遂各以其輕
重鉅細之宜佐體國經野之觀
俾安危險易奢儉豐耗之故悉
詳之而圖之於其早非祇以遠
搜近摭離方遁圖侈篇章之繁
麗爲也荆志自萬曆甲午後未
有修者故老遺編零落殆盡嘗
觀聖人作易於剝而以復繼之

謂廢則有復焉今府臣奉檄舉
行延諸生授簡從事

國之典也事之理也物之紀也

臣

在恪空疎委頓其何能與於斯

而叨預諏詢緝聞見之舊以備

遺忘謹稽之經圖驗之傳聞各

附其俗莫非其舊竊以任土作

貢虞書所著辨物居方大易所

慎就一隅而考其缺略求諸體

要竭芻蕘之末見揚

本朝之鴻烈與普天率土戴萬年有

道之長皆我

皇上文教之所誕敷而醴泉冀英鳳

凰麒麟未足罄其休徵者矣臣

謹序 皆

康熙二十有四年歲在乙丑季秋

月穀旦

賜進士出身原任江西管理通省驛

荊州府志序

五

胡

傳璽法道按察使司叅議臣胡

在恪謹撰

荊州府志序

自古帝王膺圖受籙合九有以
共奉一尊其勢至遠以濶也而
不下堂階周知無遺則邦國四
方之志並備掌故者職方氏以
至班馬諸儒網羅舊聞粲然具
矣我

荊州府志序

序

一

皇上聰明天縱廣運誕敷湛恩汪濊
漸被暨訖光六合而彌八紘稽
帝文而踵遐武於斯爲盛乃自
經史而外

命纂修

本朝會典一統志書仰呈

乙夜之覽觀

臣澤潏備員巡上荆南

道爰得以觀風問俗採三郡之

方聞進登

天府此亦宣導

上德歌咏昇平之一端也粵稽禹敷

荆州府志

序

二

風

九州荆州之域北距荆山南盡

衡山之陽而廣輪延袤衝巫峽

以湍迅會沱潛之既道夢比雲

南介於荆郡者稱楚上游而龍

節虎節岳峙川流鄉殊俗異立

政修教以劑量乎剛柔盛衰之

室者總裁以來未易臚列顧明
萬曆甲午後志書閣筆比比皆
然

皇清康熙二十有三年湖廣通志告

成而一郡之志應倍詳於通省

庶如潁川之某所某亭渤海之

荆州府志

序

三

風

一封一畦得從經圖集記以驗

吏治風土斯爲善矣修此書者

必博綜慎覈體例各當刪其繁

蕪補其闕漏而後按籍披圖炳

然可考臣以固陋之才未能仰

佐

國書竊觀

先天之下至於海隅蒼生仰瞻我

皇上文思濬哲

天章宸翰高駕羲軒遠軼謨訓生民

以來未之有也三事大夫莫不

夙夜副

荆州府志

序

四

祖

聖主之旁求而江萍砥石敢藉以列

芻蕘亦謂氣運既隆則山川愈

增其勝民物愈增其茂風俗愈

增其淳人文愈增其盛而臣得

適觀厥成揚挖美善佐信史而

贊

皇猷維此一方蓋與翼軫長麗星經

江漢永同朝宗矣臣謹序

皆

康熙二十四季歲在乙丑季秋月

穀旦湖廣按察司分巡上荆南

道布政司叅議加七級臣祖澤

荆州府志

序

五

祖

汲謹撰

荊州府志序

上古無分野之書而八寅八統
諸說又荒誕不經禹平水土鑄
九州於鼎厥後職方氏獻圖太
史採風大司徒歲終上生齒之
版所以重封疆厚邦本也志之
作亦猶是乎我

荊州府志

序

一

鄒

皇上統一寓內海隅日出罔不率俾

猷雉裳貢葵矢者歲且重譯而
至聲教所訖遠邁千古若夫省
方問俗過江南黜浮崇雅臨闕
里尊師重道廉吏之子特廕以

官

輦過之郊同免其租隨地走陽春
之脚矣猶慮九有之風俗異尙
人心異宜方物之貢賦或以險
遠貽累忠孝之旌揚或以幽隱
弗彰舉凡轉移化導思艱圖寧
桑土綢繆之至意統寓於修志
之中

荊州府志

序

二

鄒

令頒中外甚盛典哉

臣茂泰脩員儀

曹出守荆郡甫任事荆志將告
厥成仍得颺言簡端者

臣職也

夫荆爲全楚襟喉群山萬壑方

城漢水之險西控巴蜀東連吳會踞上游而達洞庭重郡也惟楚多才名賢接踵而倚楠杞梓蘭芷江蘼是多嘉產倘擬不以倫擇不精語不詳豈臣等所敢出乎是集也實而核文而不支無俟過荆門而山川人物南風之雄如在目前矣然而臣猶有進焉昔鄒書論諸侯之寶曰土地人民政事三者寔相因也政事修而後人民和人民和而後土地綏則催科撫字強教悅安

厚風俗正人心均貢賦旌忠孝以成荆南無形之金湯以仰副我

皇上纂修之至意若是者臣勉之臣願與有事茲土者共勉之臣謹序

皆

康熙二十四年歲在乙丑仲冬月

穀旦

賜進士第荆州府知府臣郭茂泰謹撰

荊州府志序

居重而馭輕者其勢足以集之
而損益異劑經權異施義尚稽
古事憲來茲總之不出乎邦國
四方之志者近是三代而下以
九州爲郡縣守土之臣皆得以

荊州府志序

許

其負版所紀報政爲一書以資

掌故不獨昉於漢之十志也我

國家幅幘式廓超邁前代

皇上聖德豐功萬國咸寧含生之倫

莫不澤從雲翔

大一統無外之模蕩蕩莫能名矣

臣廷試猥以謏劣代匪荆郡欣

逢

盛典參輯郡邑各志彙登

內府竊惟荆志百年至今尚未續

脩者其從來可得而言也荆於

明末間受羣賊之荼毒者較之

荊州府志序

二

許

他郡爲甚

國初開闢剪除出湯火而予之生

全故今丁男壯盛皆屬

本朝生齒之數徵文考獻前者旣遠

殘畧兼以浮蔓恍惚不可爲據

者居多臣廷試奉檄聘集耆儒

多士授簡分編本之以通志叅之以博訪或寧朴而不溢或披英而啟秀務使星纏川岳民物風俗險易盈虛忠孝節烈經濟文章上下草木之宜言之信而有徵而其廣搜旁及者亦以備工瞽芻蕘而不敢等於玉卮之無當也況今

文德既昭綱繆益固甘雨和風荆人從此沐膏澤而咏勤苦安耕鑿而忘知識臣與臣言忠子與子言孝道德一而風俗同又何

事景星出於翼軫鳳凰棲於卞室然後占瑞命之總集侈休徵之協應乎若夫梗楠杞梓惟楚有材蘭芷江蘼衆香發越以有用爲楨幹不僅以騷雅爲才華葺典墳丘索之遺贊

昭代右文之治則臣所舞蹈拜稽而樂觀其盛者爾臣謹序

皆

康熙二十四年歲在乙丑仲秋月
穀旦原任荊州府知府臣許廷
試謹撰

荊州府志序

志者史中之一體耳擬於史則小矣臣恩遠以官夔陵知州於八月奉檄視篆荊州府事恭逢大典徵修郡志甚盛事也而謬附屬言於簡端竊懼其涉於大言則

荊州府志 序

何敢遠引內史外史遷固諸家之說以妄文其淺陋謹擬臣所見而質言之江自秭歸而下虎牙屹崕荆門闕竦舟如建瓴而不迫於湍瀨而容美施建諸險要抱絡龍城臣爲難至於極

荊州府志 序

子入關峯犁佃石民鮮蓋藏夔陵爲荆襄門戶吞灩澦瞿塘而縮轂其口江自此稍漫爲平流而市無百貨之列竈廩匱曰無異位凡郡屬山國類多瘠土而東南之夾江爲邑濱湖爲廬者又皆倚隄爲命史記所謂無千金之家大抵然也書曰荆及衡陽惟荊州三楚疆域皆可以荆概之而一郡不可以概三楚在荆言荆其山川之何以異氣建置之何以異制政教之何以異

空習俗之何以異尚以至人物
盛衰之山水旱豐耗之故生是
里而官是邦處其常而罹其變
者遐稽近摭是亦考鏡得失之
林也顧明萬曆甲午而後郡志
失修者已近百季事多闕如竊

惟荆民自

國初定鼎驅除克殘出之湯火乃

得生齒日繁鱗次版圖我

皇上文武聖神赫濯聲靈殄滅亂賊
無遺育普天率土嘉祉翔洽荆
州奉

禁旅駐鎮帶礪磐石士習詩書之
澤農安耕鑿之恒樵於山者無
蠻嶠夜月之驚渙於水者惟長
堤安瀾之祝協和萬邦於變皆
雍何以加焉今者欽遵

俞命采方言以登

天府謹延臣在恪等入局授簡
黽勉編輯葑菲芻蕘實無可採
伏遇我

皇上學邁軒羲功弘覆載一道同風
飛潛動植罔不咸若臣恩遠得
以州郡小臣仰瞻

天章睿濬於光被四表之下與荆楚

山川民物歌舞於億萬斯年猗

歟休哉無疆惟慶矣臣謹序

肯

康熙二十四季歲在乙丑季秋月

穀旦荊州府署事夔陵州知州

荊州府志

序

五

加五級臣田恩遠謹撰

荊州府志序

夫郡之有志亦猶國之有史也
史以褒貶爲事有善必書有過
必書凡運會升降之道人材消
長之機以至禮樂兵刑人民風
俗莫不載之於史以垂後所以

荊州府志

序

一

陳

示勸懲也若夫陵谷之變遷井
里之沿革幽人碩士所在多有
往往史不盡書遂致湮沒而不
彰者何可勝道使非有志以載
之又何以信後而傳遠也哉然
則志者所以輔史之不逮者也

我

皇上神明天縱稽古右文於六經百
家之書靡不洞悉而表彰之矣
乃因明代之史

特命儒臣纂輯成書以昭示於天下

又復

荊州府志

二

陳

頒行郡國編次通志以備採風猗
歟休哉一道同風之盛直媲美
於唐虞矣竊荆郡介在南服控
江漢之上游爲巴蜀之門戶前
接蒼梧後枕襄鄧古所稱方城
漢水天下之雄圖也自熊繹啓

疆以來世多賢者是以聲名文

物之盛甲於中原武侯所謂用

武之國而子瞻則以爲人才之

秀風俗之美有屈宋伍禰之遺

者良非虛語耳願圖經風土郡

邑各有所紀要以郡志爲斷而

荊州府志

三

陳

荆志之未修者百年矣今者恭
逢

大典探奇而闡幽者無遠弗届使

記載逸文故老傳說莫不兼搜

鉅擷彙歸體要用昭

聖朝大一統之弘模

臣

廷策得以備

員側名於守土者之後懽忭舞

蹈而賡歌其盛誠億萬年悠久

無疆之慶也臣謹序

皆

康熙二十四年歲在乙丑季秋月

穀旦荊州府清軍同知臣陳廷

荊州府志序

四

陳

策謹撰

附志姓氏

總裁

總督湖廣等處地方軍務兼理糧餉部尚書兼都察院右副都御史徐國相遼東廣寧人

巡撫湖廣等處地方兼提督軍務都察院右副都御史石琳滿州人

湖廣湖北等處承宣布政使司布政使王定國貞奉天遼陽元人官學生

湖廣湖北等處提刑按察使司按察使張道祥拙江南徐州人官生

湖廣按察司分巡上荆南道布政司參議加七級祖澤漢仁遼東遼陽人廩生

湖廣布政使司參議分守湖北督糧道田雯綸山東德州人廩生

荊州府志姓氏

湖廣督理湖北驛傳鹽法道按察使司僉事龔士楨千江西臨川人廩生

提督湖廣通省學政按察使司僉事加三級姚淳燾陞浙江烏程人廩生

編纂

荊州府知府郭茂泰魯陝西陽關人廩生

原任荊州府知府許廷試可遼東遼陽人廩生

荊州府署事樊陵州知州加五級田恩遠遼奉天人癸卯舉人

監脩

荊州府清軍同知陳廷策景襄平人廩生